

皇朝編年備要

四







皇朝編年

備要卷第三

凡九年



壺山陳

均編

太宗皇帝

起丁丑太平興國二年止乙酉雍熙二年



太平興國二年

吳越漳泉奉正朔北漢廣運十年

春正月

親試舉人

上初即位思振滯淹顧謂侍臣曰朕欲博求俊彥於科場中非敢望拔十得五止得一二

亦可為致治之具矣於是禮部上所試合格人姓名上御講武殿覆試內出詩賦題賦韻平仄相間依次用命李昉扈蒙定其優劣為三等得呂蒙正以下一百九人越二日覆試諸科得二百餘人並賜及第又詔禮部閱貢籍得十舉以上至十五舉進士諸科一百八十餘人並賜出身九經七人不中格上憐其老特賜同三傳出身凡五百餘人皆先賜綠袍鞞

笏錫宴開寶寺上自為詩二章賜之第一第二等進士及九經授將作監丞大理評事通判諸州其餘皆優等注擬寵章殊異歷代未有也薛居正等言取人太多用人太驟不聽○或云太祖幸西都時張齊賢以布衣獻策于馬前召見問以所言齊賢以手畫地條陳下并汾富民封建崇學舉賢太學籍田選良吏懲姦恤刑十策太祖善其四齊賢堅執其餘皆善太祖怒令武士拽出及還語上曰吾幸西都得一張齊賢我不欲遂官之汝異時可收以自輔也是榜齊賢適在數十人後及注官乃詔進士盡第二等及九經凡一百三十人悉與超除蓋為齊賢故也○賜孔卬基出身褒先聖之後也

二月置江南榷茶場

仍嚴茶鹽禁從江南轉運使樊若水之請也

廢江

南鐵錢

亦從若水之請也若水請置監於昇鄂饒等州大鑄銅錢悉飲鐵錢鑄為農器以給江北流民之歸

附者且請除銅錢渡江南之禁民甚便之

三月置榷易局

從香藥庫使張遜之請也出官



庫香藥寶貨許商人入金帛買之初年得三十萬貫歲有增羨卒至五十萬貫賜白鹿洞九

經從知江州周述之請也述言學徒常數百人乞賜本使之隸習從之○洞在廬山之陽李煜時割善田數十頃

以給之選太學之通經者授以他官俾領洞事為諸生講誦太平興國五年洞主明起建議以其田入官上命起為蔡州

褒城縣主簿洞由是漸廢矣夏四月契丹使來會葬尋遣辛仲甫使契丹契丹

主問曰聞中朝有党進者真驍將如進之比凡幾人仲甫對曰名將甚多如進鷹犬之材何可勝數契丹主頗欲留之仲甫曰信以成命義不可留有死而已契丹主知其秉節不可

奪厚禮遣還上嘗謂左右曰仲甫遠使絕域練達機宜可謂不辱君命若更得如

仲甫數人朕何患也葬太祖于永昌陵祔廟以孝明皇后王

氏配秋七月河決温縣尋又決滎澤決頓丘又決白馬命塞之諸路大

水○閏月諸州上閏年圖故事三年一令天下貢地圖與版籍國初以閏

為限所以周知天下山川險易戶口衆寡八月陳洪進來朝○令支

郡得專奏事從知懷州高保寅及右拾遺李瀚之請也始唐及五代節鎮皆有支郡太祖平

湖南始令潭朗等州直屬京大縣屯兵亦有直屬京者興元之三泉是也至是天下節鎮無復領支郡者矣九

月嚴私鑄禁錢以七十七為百私鑄小錢者死每千錢必及四斤半以上禁江南新小錢悉

令送官給其直○初李氏歲鑄六萬貫江南平增冶匠亦不過七萬貫及張齊賢為轉運使言民間苦銅錢難得因訪饒

信虔州產銅鉛錫之所用唐開元錢料歲鑄三十萬貫每歲雖增數倍錢稍窳惡矣真宗大中祥符九年夏江東發運使

李溥言饒杭池江四州錢監每歲共鑄錢一百二十萬貫用銅四百五十二萬斤採取既多望酌中定額真宗曰嘗記咸



平中陳恕以江南銅多請官少市未幾銅礦漸少迄今常苦  
不豐如解池鹽景德中所收數倍本州亦欲少種不逾年兩  
旱驟減舊額是知天地所育皆自發媚川容州初貢珠都禁民采

貴濟用豈人心可料其增損耶上屬意珠未幾官復自采容州海渚亦產珠仍置官戎事每大閱

朝罷即親閱禁卒藩衛之士益以精強乃命築講武臺於城  
西之楊村至是大閱上登臺而觀初命楊信董其事以信病

瘖乃命天武右廂都指揮使崔翰更董之士伍綿亘二十里  
翰執五色旗以號令每按旗指揮則千乘萬騎周旋如一甲

兵之盛近代無比上甚悅遣使以金帶賜之曰此朕藩邸所  
服者也楊信即揚義也避上名改焉○是春改簇御馬直曰

御龍直鐵騎曰日騎控鶴曰天武龍騎冬十一月丁曰龍衛虎捷曰神衛日騎後改曰捧日

亥朔日有食之既○十二月嚴私鑿禁有

言官歲鬻礬不充舊貫請嚴其禁詔私販化外礬是歲渤至三斤私煮及盜至十斤者並弃市餘論罪有差

泥國來貢渤泥前代未嘗與中國通其章表非紙類木皮而瑩薄色微綠長數尺而闊寸餘橫軸之

僅盈掌握以數小囊重複緘之其字細而橫讀之不可識詔象胥以華言譯之皆尊慕本朝之意

**太平興國三年**是歲吳越漳泉納土春正北漢廣運十二年

月開襄漢漕渠發唐鄧民夫及諸州卒數萬人開之直抵京師渠成而水不行二

月置崇文院更置三館賜名崇文院盡遷舊館之書以實之南廊為集賢書東廊為昭文書西廊

四庫分經史子集為史館書六庫書籍正副本凡八萬卷二月吳越王俶來朝

○夏四月置諸路轉運判官○陳洪進獻



漳泉二州

用其幕僚劉昌言之計也得縣十四戶十五萬兵一萬八千加洪進平章事子文顯文頊

為刺史尋復以文顯知泉州文顯之往也議擇能臣以關掌州事遂起復喬維岳為通判維岳始至屬游洋草寇十餘萬來攻城勢甚危急監軍何承矩欲屠城焚府庫而遁維岳抗議堅守福州救兵至圍遂解

河決

獲嘉

命塞之

五月吳越王錢俶獻其地

得州十三軍一

縣八十六戶五十五萬兵十一萬五千封俶為淮海王子惟濬惟治沈承禮孫承祐並為節度使崔仁冀副使初俶為朝廷所留獨與仁冀決策納土退朝僚屬始知之○以范旻權兩浙諸州事錢氏地狹民衆賦歛苛暴旻悉奏蠲之

李

克叡卒

子繼筠嗣

六月汴決寧陵

命塞之

嚴賊吏法

去歲

永豐倉吏八人坐受賕為姦伏誅是歲中書令史李知古坐受賕出人罪杖殺至是又詔賊吏配者遇赦勿叙用○端拱初少府監言配役人郭冕等皆任京朝官會赦當叙用上曰賊吏不可復齒仕籍止令釋之

秋九月

親試舉人

上御講武殿覆試禮部合格進士加論一首自是常以三題為準得胡旦以下七十四人

諸科七十人並賜及第始賜宴於迎春苑授官如二年之制先是上詔權罷貢舉恐有困於場屋者乃詔諸州去年已得解者除三禮三傳學究外並以秋集禮部故事禮部惟春效榜至是秋試非常例也是冬諸州舉人並集會將親征北漢罷之自是每間一年或二年乃置貢舉

冬十月孔宜襲封文宣公

宜知星子縣回獻所為文上召見問以孔子世嗣遂命襲封又詔免其家租賦歷代以聖人之後皆不科庸調周顯德中遣使均田遂抑為編戶至是特命免之

置內藏庫

上幸左藏庫見金帛山積乃命分左藏北庫為


內藏庫改封樞庫為景福內庫掌歲經費之餘以待非常之用○初太祖置封樞庫謂近臣曰石晉苟利於己割幽薊以



賂契丹使一方之民獨限外境朕甚憫之欲俟斯庫所蓄滿  
三五十萬即遣使與契丹約贖幽薊之地不可則散之募上  
以圖進取會 **河決靈河** 命塞 **十一月丙申郊奉**  
晏駕不果

**太祖配大赦** 國初以來南郊四祭及感生帝皇地祇神  
州凡七祭並以四祖迭配而太祖親郊者

四並以宣祖配上即位以宣祖太祖更  
配於是合祭天地始奉太祖升侑焉

 **太平興國四年** 是歲北  
漢平 **春正月命潘美**

**伐北漢** ○置簽署樞密院事 以石熙載為  
之簽署始此 **新渾**

**儀成** 張思訓所造舊制行度皆人運  
轉新制成於自然尤為精妙 **二月上親征北**

**漢** ○三月契丹救北漢郭進敗之 戰于石嶺  
關之南折

御卿克崙嵐軍嵐 **夏四月上圍太原** 李漢瓊帥衆先  
登上躬探甲冑

州尹勳克隆州 蒙犯矢石諸軍皆奮怒爭乘城不可遏上恐屠其城因麾衆  
少退時城幾陷或請急攻上曰朕惜并州一城生聚即自草

詔賜繼元諭以 **劉繼元降北漢平** 得州十軍一縣四  
十一戶十三萬五

千兵三萬自劉昞僭號歷四主凡二十九年至是平初城中  
人猶欲固守左僕射致仕馬峯以病卧家昇入見北漢主流

涕以興亡諭之遂納欵繼元妻峯女也 ○以劉保勳知太原  
府廢太原舊城為平晉縣以榆次縣為并州 ○上遣中使召

劉繼業得之大喜命為防禦使繼業初為繼元扞太原城東  
南頗殺傷王師及繼元降繼業猶據城苦戰上素知其勇欲

生致之諭繼元俾招之繼元遣所親信往繼業乃北面再拜  
大慟釋甲來見上喜慰撫之甚厚復姓楊氏名業業初姓楊

氏名重貴幼事北漢更賜以姓名上尋命業知代州業在邊  
契丹畏之每望業旗即引去邊將多嫉之或潛上謗書斥言



其短上皆不問 詔征契丹六月發鎮州舊從六軍

封其書付業者上怒欲置於法馬步軍都頭趙延溥遽進曰陛下巡行邊

陞下戮力者 易州涿州來降東易州即 上至幽州

上嘉納之 敗契丹于城北○秋七月上至自幽州攻城

不下士卒疲頓轉輸回遠 李繼筠卒弟繼 八月汴決

又恐契丹救至遂詔班師 宋城命塞 武功郡王德昭自殺初德昭從征幽

不知上所在有謀立德昭者上聞不悅及歸以北征不利久

不行太原之賞德昭言之上大怒曰待汝自為之賞未晚也 德昭退而自刎上聞驚悔往抱其屍哭 九月河決汲縣

曰癡兒何至此邪追封魏王謚曰懿 ○置皇子侍讀以楊可法為之仍賜五 除蜀銅錢

禁○契丹寇鎮州趙延進等敗之初上以陣圖

為八陣至是虜騎至延進亟乘高望之東西亘野不見其

尾崔翰等方按圖布陣相去百步延進謂翰等曰今虜騎若

此而我師星布其勢懸絕若合而擊之可以決勝李繼隆亦

曰兵貴通變安可預料於是分為二陣前後相副大破之捷

書聞手 冬十一月市民馬先是詔中使趙守倫優給價和市

詔嘉獎 三千有奇 庚辰 太平興國五年春正月修河堤衛澶 置

天駟監左右各二以左右飛龍使為左右天駟使開駟使

為崇儀使國初但有飛龍二院以左右飛龍使各



二人分掌之時諸州監牧多廢太祖始置養馬二務又興葺舊馬務四以為放牧之地分遣中使詣邊州歲市馬自是閑廐之馬始備上既平太原遂觀兵范陽得汾晉燕薊之馬凡四萬二千餘疋國馬增多乃置監牧之廐馬充物始分置諸州

**養置文明殿學士** 以程羽為之即端明殿學士也序立於樞密副使之下國初雖改殿

名而學士領職如故至是併改焉 **二月定差役法** 從京西轉運程能之請也分民戶為

九等上四等充役下五等免詔 **閏三月親試舉人** 得蘇

令轉運使躬親詳定勿復差官 **閏三月親試舉人** 得蘇

易簡以下一百餘人諸科五百餘人並分第甲乙賜宴始有直史館陪座之制初唐有勅賜及第以表特恩開寶以來御

試中第一者皆稱之其文臣有不由科第者或因獻文別試以勅賜進士及第或賜御前進士及第又有同進士及進士

出身之目其後復有賜史進士及第仍附是年第一等進士之下 **夏四月授沙州曹**

**延祿節度** 沙州歸義節度曹元忠卒子延祿自稱留後遣使入貢詔加節度唐末以張義潮為瓜沙

節度旋為吐蕃所陷元忠之先 **五月以賈黃中知**

**制誥** 黃中知昇州府舍有一室封記其存黃中啓之得李氏珠寶數十櫃皆未著于籍者即表上之上曰非黃中庶

恪則亡國之寶汙法害人矣賜錢三十萬仍有是命○上尤重內外制之任每命一詞臣必諮訪宰相求才實兼羨者先

召與語觀其器識然後授之嘗謂左右曰詞臣之選古今所重朕早聞人言朝廷命一知制誥六姻相賀以為一佛出世

豈容 **是夏丁璉卒大校黎栢專秋七月命**

**孫全興討之** 璉卒弟璿尚幼栢囚丁氏宗族專制國事上乃命全興等討之栢尋以璿表來求襲

凡位稱藩入貢上以全興等師出踰時察其意止欲緩兵寢而不報已而師久無功候仁寶死之全興等並以逗留伏誅



○初仁寶之妻趙普之妹也盧多遜與普有隙白上以仁寶知邕州凡九年不得代仁寶恐因循死嶺外乃上疏言交州主帥被害國亂可取願乘驛詣闕面奏其狀上大喜令馳驛召之多遜遽言不若授仁寶以飛輓之任令經度其事上乃以仁寶為交州路水陸轉運使冬十一月契丹入寇上親征次

大名契丹遁○以竇侂為比部郎中

初侂與賈琰同

為開封屬官琰巧佞侂對上叱之至是上思見侂促召至行在而有是命時方議北征侂因抗疏請還都休士養馬徐為後圖上悅其言及至自大名以侂為樞密直學士侂儀之弟也十二月畋近郊時禁盜獵

有衛士獲鷹違令當死上曰若我殺之後世必謂我重獸而輕人命釋之

上至自大名

上初聞契

丹退欲遂進取幽州命宰相問李昉扈蒙等以事之可否昉等上奏請養驍雄廣儲積暮歲之間用師未晚上深納之下

詔班師時張齊賢亦上疏略曰聖人舉事動在萬全百戰百勝不若不戰而勝若重之慎之戎虜不足吞燕薊不足取自古疆場之難非盡由戎狄亦由邊吏擾而致之若緣邊諸軍撫御得人但使峻壘深溝蓄力養銳以逸自處寧我致人李牧所以稱良將於趙用此術也所謂擇卒不如擇將任力不如任人如是則邊鄙寧靜則輦運減輦運減則河北之民獲休息矣又曰臣又聞家六合者以天下為心豈止爭尺寸之事角戎狄之勢而已是故聖人先本而後末安內而養外人民本也戎狄末也中夏內也夷狄外也五帝三王未有不先根本者也堯舜之道無他廣推恩於天下之民耳推恩者何在乎安而利之民既安利夷狄歛衽而至矣陛下受民利天下之心真堯舜也臣慮羣臣多以纖微之利剋下之術侵苦窮民以為功能者彼為此效相習已久伏望精擇通儒分路採訪兩浙江南荆湖兩川有偽命日賦歛苛重者改而正之使賦歛課利通濟可經久而行為聖朝定法除去舊弊天下諸州有不便於民事者委長吏聞奏如敢循常不以聞



嚴加典憲使天下耳目皆知陛下之仁戴陛下之惠則幽燕竊地之醜沙漠偷生之虜擒之與屈膝在術內耳

**辛巳** 太平興國六年春三月岐王德芳薨

太祖之次子也 夏五月旱○大赦○六月薛居正薨

臨其喪○秋九月乙未朔日有食之○解

田錫言職

出為河北南路轉運副使時盧多遜專政羣臣章表不先稟多遜則有司不敢通錫為左

拾遺嘗獻平戎歌多遜許之始得進御又諫官上章必令閣門吏依常式書狀云不敢妄陳利便希望恩榮錫貽書多遜請諫官免書狀多遜不悅出之時既取太原范陽未下上怒不賞平晉之功中外莫敢言錫因入辭直進封事言軍國要機一朝廷大體四略曰頃歲平太原逮茲二載未賞軍功請因郊祀行之此要機之一也交州蠻海之地得之如獲石田

何事二

九

願母屯兵以費財此大體之一也邇來官廢其職給事中不敢封駁遺補不貢直言起居郎舍人不得升陞紀言動御史不彈奏左右丞今尚缺員中書舍人雖掌書命未聞訪之以事集賢院雖有書籍而無職官秘書省雖有職官而無圖籍願擇材而任之各司其局此大體之二也朝廷闢西苑廣御地而尚書無本廳郎曹無本局九寺三監狹室蕭然禮部試士或就武成王廟是豈太平之制望別修省寺用列職官此大體之三也又每於收路見囚荷鐵枷於法所無去之可矣此大體之四也上嘉其言賜錢五十萬或謂錫今宜少晦以遠讒忌錫曰事君之誠惟恐不竭矧天植其性豈以一賞而奪耶在河朔累章論邊事○後知相州上疏略曰陛下憂民太過視事太勤每日聽朝之後或進呈甲仗或揀閱軍人或躬問縲囚或親校簿書恐於大體有所未究又百司營為多以劄子取聖旨官負注擬必須引見聽敕皆勞天聽安用有司加以條理事宜或傷頻併施行詔敕或致稠重此非臨下以簡之道又言磨勘一司本屬考功今於中書外廡更置是



考功之職不修而磨勘之名互出又言御史臺本不禁  
人今為繫囚之所大理寺舊來置獄今為檢格之司 **置**

**京朝官差遣院** 舊制京朝官屬吏部國初以來皆出  
中書至是詔中書舍人鄭贇等考校

勞績品量材器以中書所不闕 **以趙普為司徒兼侍**

**中** 普奉朝請日久盧多遜益毀之謂普初無立上意於是  
普因奏事言昭憲顧命臣實與聞上發金匱得誓書遂

大悟尋復相之 **石熙載為樞密使** 以戶部尚書充使用文  
資正官充樞密使始此 **冬**

**十一月置皇城司** 改武德司為之上嘗遣武德卒潛  
察遠方事有至汀州者知州王嗣

宗執而杖之縛送闕下奏曰陛下不委任賢  
俊而猥信此輩為耳目上大怒已而遷其官 **辛亥郊大**

**赦** 先是有陳再思者上書乞當郊勿赦上竟從  
趙普言由是赦宥之文遂定自後郊赦不書 **是歲高**

**敵國來貢** 其國漢車師前王之庭戊己校尉之地也○  
定安國亦附上謝表上初議討契丹因詔定

安國令張倚角之勢其國得詔大喜會女真遣使經其國其  
王烏玄明附表來上略曰臣高麗舊壤渤海遺民常仰覆露  
之仁每被漸漬之澤頃歲契丹恃其強暴入寇境土所宜受  
天朝之密畫率勝兵而助討復優詔荅之定安本馬韓之種  
為契丹所破其首帥糾合餘衆於西鄙自號  
定安國云太祖朝亦嘗因女真遣使來貢

**太平興國七年春三月癸巳朔日有**

**食之** ○夏四月以竇侁參知政事 上謂侁曰  
汝自揣何

以至此侁曰陛下念潘邸之舊臣出於際  
會上曰非也乃汝面折賈琰賞御之直耳 **貶盧多遜秦**

**王廷美** 多遜流崖州廷美勒歸第自普復相多遜益不自  
安普屢諷多遜令引退多遜貪權固位不能自決



故及先是金明池水心殿成上將往遊或告廷美欲乘此時  
為亂上不忍暴其事故罷會普廉得多遜與廷美交通事以  
聞上怒責授多遜兵部尚書下御史逮捕中書守當官趙白  
秦府孔目官閻密等命翰林學士承旨李昉等雜治之並得  
交通顧望祝詛實狀引伏故有是命趙白等六人皆伏誅○  
多遜累世墳墓在河內未敗前一夕震雷焚其林木皆盡聞  
者異之及赴貶所食於道旁逆旅有姬頗能言京邑舊事多  
遜因與語姬固不知其為多遜也多遜曰姬何自來乃居此  
姬顰蹙曰我本中原士大夫家有子任某官盧某作相令狂  
道為某事吾子不能從其意盧銜之中以危法盡室竄南荒  
未周歲骨肉相繼淪沒惟老身流落山谷今僑寄道旁非無  
意也彼盧相者妬賢怙勢恣行無忌終當南竄幸未死間或  
可見之耳多遜默然趣駕去至貶所瓊州遣牙將知崖州  
事輒求婚於多遜多遜不許遂侵辱之將加害卒與為婚

**倫罷**

上以盧多遜包藏逆節倫與同列不能覺知責授工  
部尚書倫清介謹厚故車駕每出多令居守然十年

相位但齷齪固寵不能  
有所建明搢紳非之

**錄繫囚**

趙普等以上察見隱微相  
率稱賀○上嘗謂普曰朕

每讀書見古帝王多自尊大深拱嚴凝誰敢犯顏言事若不  
降情接納乃是自蔽聰明或喜賞怒刑豈能歸天下之心哉  
上又問治民之道復有何術普曰陛下恤念生民每聞利病  
無不即日施行古聖王愛民之心止於此矣○雍熙間有司上  
竊盜贓至大辟者特詔貸其死上因謂宰相曰朕常重惜人  
命如此類者往往貸其極刑但時取其甚者以儆眾耳不欲  
小人知寬貸之意

**五月契丹三道入寇邊將敗**

**之○竄廷美**

降涪陵縣公安置房州趙普復教知開封  
府李符上言廷美怨望不悔過乞徙遠郡

防他變遂有是命○初太祖傳位於上昭憲顧命也或曰昭  
憲及太祖本意蓋欲上復傳之廷美而廷美復傳之德昭故  
上即位亟命廷美尹開封德昭授節度使實稱皇子皆緣昭  
憲及太祖意也德昭既不得其死德芳相繼天絕廷美始不



自安寢有邪謀他日上嘗以傳國意訪之趙普普曰太祖已  
誤陛下豈容再誤邪於是普復入相廷美遂得罪廷美所以得罪則普之

也為李繼捧來朝獻四州地其弟繼遷叛去

○六月河決臨濟尋又決范濟口又決武德置譯經院秋

七月幸譯經院○八月罷劔南權酷○冬

十月幸金明池閱習戰○行乾元曆吳昭素所造上

親為之序十二月戊午朔日有食之○是歲明記

死子隆緒立復號大契丹明記謚景宗孝成皇帝隆緒號天輔皇帝尊母

蕭氏為承天太后改明年元為統和隆緒才十二歲母蕭氏專其國政初蕭氏與樞密使韓德讓通至是賜姓耶律改名

隆運尋拜大丞相封晉王高麗王佺死弟治立遣李巨源孔維使之治問禮於維維對以君臣父

子之道升降等威之序治喜曰今日復見中國夫子矣

**太平興國八年春正月曹彬罷**以弭德超為宣

徽北院使兼樞密副使○彬坐為德超誣譖未幾德超敗上

知彬無他待之愈厚臨朝累日不懌從容謂趙普等曰朕以

聽斷不明幾敗大事夙夜循省內愧于心普對曰陛下知德

超才幹而任用之審曹彬無罪而昭雪之有勞者進有罪者

誅物無道情事至立斷此所以彰陛下聖明也雖堯舜何以

過此上由是釋然○初德超之譖彬也覲事成日得樞密使

及為副使出怨望語或告之上命訊鞠遂伏罪是夏流德超

于瓊州德超之進因李符李琪之薦也○初趙普令李符告

廷美怨望又恐符漏言因事逐符貶寧國司馬德超之敗上

惡符朋黨併令徙嶺表遂以符知春州歲餘卒盧多遜之流

太平興國八年



崖州也符白普曰朱崖雖遠在海中而水土頗善春州稍近瘴氣甚毒至者必死不若令多遊處之普不荅至是乃以處

符二月戊子朔日有食之○三月分三司各

置使

上嘗語宰臣曰三司官吏奏事朕前紛紜異同此固不為私事但迭執偏見不肯從長商度朕每以理開

諭朕於臣下務在將護才用優劣一一可見隨其器能各加任使奏對之際無不假以辭色善惡兼聽未嘗峻折之也宋琪曰人之才用罕有兼備陛下聰明照臨長短俱露或又初見天威內懷攝懼若不賜之辭色何由畢其懇誠聖心深鑒事理曲盡物情臣下幸甚○端拱初朝議欲置三司判官十二員直史館羅處約上言三司之制非古也蓋唐中葉之後兵寇相仍以賦調筦推之所出故自尚書省分三司以董之今則倉部金部安能知帑藏之虛盈司田司川孰知河渠之遠近有名無實積習生常今宜復舊制若三司之中更分置僚屬則愈失其本源矣又言九寺三監多為冗長之司雖設

備要三

一三

其官不舉其職願陛下建垂久之規不煩更差使臣別置公署置諮議胡善侍講官

于諸王及皇子府以王通姚坦邢昺等十人為之○坦為益王元傑府胡善雅好直諫王嘗作假山所費甚廣既成召僚屬置酒共觀之眾皆褒贊其美坦獨俛首不視王強使視之坦曰但見血山安得假山王驚問其故對曰坦在田舍時見州縣督稅上下相急利里胥臨門捕人父子兄弟送縣鞭笞血流滿身愁苦不聊生此假山皆民租賦所出非血山而何時上亦為假山猶未成有以坦之言告于上者上曰傷民如此何用山為命亟毀之王每有過失坦未嘗不盡言規正宮中自王以下皆不喜左右乃教王稱疾不朝上日使醫視之逾月不瘳上甚憂之召王乳母入宮問王疾增損狀乳母曰王本無疾徒以胡善姚坦檢束王起居曾不得自便王不樂故成疾耳上怒曰吾選端士為王僚屬者固欲輔佐王為善耳今王不能用規諫而又詐疾欲使朕逐去正人以自便何可得也且王年少未知出此必爾輩為之謀爾因命粹至後



園杖之數十召坦慰諭之曰卿居王宮為羣小所嫉大為不易卿但能如此無患讒言朕必不聽也尋擢坦為考功郎○雍熙間以畢士安為諸王府記室上謂曰諸子生長深宮未知世務必資良輔資導為益使聞忠孝之道卿等皆謹恪有行各宜勉之親試舉人擢王世則以下百七十餘人諸科五以世則等十八人通判諸州上因為近臣曰朕親選多士殆忘飢渴召見臨問以觀其才拔而用之庶得若野無遺逸而朝廷多君子耳朕每見布衣縉紳間有端雅為眾所推譽者朕代其父母喜或召拜近臣必為擇良日欲其保終吉也朕於士大夫無所負矣○上嘗謂宰相曰唐置採訪使蓋欲察官吏善惡人民疾苦然所命者官高則權勢太重官卑則威令不行又所過州郡承迎不暇豈能審知利害但虛有其名耳曷若慎選羣才各分任使有功有過賞罰分明且國家選才最為切務人君深居九重何由徧識必須採訪苟稱善者多即是操履無玷若擇一好人為益無限古人言得千良馬

備要三

十

不若得一伯樂得十利劍不若得一歐冶此言殊有理朕孜孜訪問止要求得良才以充任使也趙普曰帝王進用良善實助太平之理然於采擇要在得所蓋君子小人各有黨類最不可不謹也上然之夏四月蠲漳

### 泉苛斂

上嘗覽福建版籍謂宰相曰陳洪進止以漳泉已蠲削民皆感恩朕亦不竟自喜○又嘗謂趙普曰前代亂

多治少皆繫帝王所為朕撫御萬方固不能家至戶曉但持其綱領行其正道以齊一之鄉若偏霸苛克凡數百種朕悉令除去矣俟五七年當盡減民租賦卿記朕此言非虛發也普曰陛下愛民之意發於天心推始終力行之天下幸甚○又嘗謂宰相宋琪等曰近代以來政理隳紊無如晉漢外則侯伯不法恣其陪斂內則權倖用事貨賂公行百姓未納王租先遭率斂教唆何所告訴朕每念及百姓寒耕熟耘營求衣食國家若非贍養軍旅兩稅亦不忍催督而况非理誅剝乎琪等對曰陛下恤民求理取監晉漢天下幸甚班



外官戒諭辭

上嘗作戒諭辭二付閣門一以戒京朝官受任於外者一以戒幕職州縣官至是令

閣門於朝辭日宣旨戒勅仍書其辭於治所屋壁遵以為戒

五月河決滑州

濮曹

濟寧州流至徐州入淮發卒數萬民夫十餘萬治之

作太乙宮

初方士言五福太乙天之貴神也行

度所至之國民受其福以數推之當在吳越分故令蘇州築宮以祠之至是成又詔作宮于蘇村

黎相來

貢

相廢丁璿自稱交州留後始遣使入貢上賜詔書因而撫之令遣丁璿母子入朝相不聽命

六月

穀洛伊湮溢

溺死者以萬計

秋七月諸路大水〇八

月令中書密院修時政記

先是詔盧多遜錄時政記未成書直史館胡旦

言唐以來中書樞密院置時政記周顯德中李穀又奏樞密院置內庭日曆自後闕廢請修舉之乃詔自今軍國政要並

委參知政事李昉撰錄樞密院令副使一人纂集每季送史館昉因請先奏御時政記奏御始此

九月置

江淮水陸發運使

于京

寬兩稅限禁嚴刑

催科

上謂宰相曰朕視萬民如赤子念其耕稼之勤春秋賦租軍國用度所出恨未能去之比令兩稅三限外

特加一月而官吏自求課最恣行捶撻督令辦集此一事尤傷和氣乃下詔申敬之且令長吏皆察所屬有嚴刑催科者

論其罪又令自今遣使檢覆災旱必立限以遣之防稽緩也

冬十月置都進奏

院

罷諸州知後官

趙普罷

出領武勝節度宴餞普于長春殿上賜普詩明日謂近臣曰趙普於

國家有大勲勞朕布素時與之遊從齒髮衰矣不欲煩以機務擇善地俾之卧治因詩導意普感極且泣朕亦為之墮睫宴之日樞密使王顯等侍側數視上袴上怪而問之顯等曰陛下所衣袴文縷俱倒上笑曰朕未嘗御新衣蓋澣濯頓所



致耳上因言此雖偏下已甚蓋念撥  
枵之勞苦欲示躬朴為天下先也  
十一月以宋琪

李昉同平章事  
上謂曰世之治亂在賞罰當否當其  
功罪無不治或以為飾喜怒之具即

無不亂與卿等戒之琪曰賞罰二柄乃御世之術勒若馬無  
銜勒何以控御治天下者苟賞罰至公未有不致太平也○

昉初與盧多遜善待之不疑多遜屢請昉人或告昉昉曰盧  
與我厚不當爾於是上語及多遜事昉頗為解釋上因言多

遜居常毀卿不直一錢  
昉始悟上由此益重之  
詔宰相班親王上  
其等固辭  
上曰宰相

之任實總百揆與群官禮絕藩邸之設止奉朝請  
而已元佐等尚幼欲其知謙損之道卿勿多辭也  
以李穆

呂蒙正李至參知政事  
張齊賢王沔同簽署樞密  
院初穆知開封府時剖決

精敏姦猾無所假貸由是豪右屏迹權貴不敢干以私上益  
知其才始有意大用○至是穆等入對上謂之曰朕為官擇

人惟恐不當今兩制之臣十餘皆文學適用操履方繁御居  
京府尤號嚴肅故加獎擢也因思閭里間每旦焚香祝天子

萬歲次則大臣眉壽朕與卿等安得不日思善事以副億兆  
之禱耶穆等謝上又曰朕覽前書備見歷代治亂大抵君臣

之際先要情通朕勵精求治卿等為朕股肱耳目設有闕政  
宜悉心言之斷在必行朕每行一事偶有未當久之尋繹惟

自咎責耳固不以尊居自恃使人不敢言也○蒙正入朝堂  
有朝士指之曰此子亦參政事邪蒙正佯為不聞同列欲詰

其姓名蒙正遽止之且曰若一知其姓名則終身不能忘固  
不如毋知也後有張紳者知蔡州以贓敗或為上言蒙正與

紳有隙上即復紳官蒙正終不辨後得其實上  
復黜紳因謂蒙正曰張紳果有贓蒙正亦不辨  
置侍讀

官  
上聽政之暇日閱經史患顧問人是歲始用著作佐  
郎呂文仲為侍讀尋又為翰林侍讀常出經史命文仲

讀之文仲與侍書王著更宿而書學葛端亦直禁中每暇日  
多召問文仲以經書著以筆法端以字學○當時史館修太

情要三 一六

太平興國六年



平總類成日進讀三卷宋琪等曰窮歲畧短恐疲聖躬上曰朕性喜讀書開卷有益不為勞也尋改總類名曰御覽○上嘗謂近臣曰朕每讀老子至佳兵者不祥之器聖人不得已而用之未嘗不三復以為規戒王者雖以武功克定終須用文德致治朕每退朝不廢觀書者意欲酌前世成敗而行之也○上嘗禁中讀書自己至申始罷有蒼鶴飛止殿鸞吻逮掩卷而去上怪之以語近臣對曰此陛下好學之感也昔有鸛雀街三鱸魚墜揚震講堂下抑亦類此

李繼

### 遷寇宥州擊敗之



雍熙元年春正月求遺書○廷美卒

廷美至房州憂悸成疾卒上聞之嗚咽流涕贈倍王謚曰悼廷美母陳國夫人耿氏上之乳母也

李穆薨

### 臨其喪

穆性至孝操履純正遭母喪詔強起之尋以毀卒上臨哭謂近臣曰穆國之良臣朕方倚用遽淪沒

備要三

十一

非斯人之不幸也

### 二月朔閱將校

按名籍參考勞績而升黜之踰月而畢自後率

循其制上謂近臣曰朕選擇將校先取其循謹能御下者又曰兵雖衆苟不選擇與無兵同舊制諸軍辭見或行間驍勇出衆者令將校互相保任魏能成遠不為衆所保上曰此人材勇朕可自保之由是稍加進用

### 三月滑

### 州決河塞

先是塞房村口決河用丁夫凡十餘萬自秋踰冬既塞而復決上不欲重煩民力乃命發

卒五萬人塞之及訖功上作

### 夏四月羣臣請封禪

平河歌蠲水所及民田租

### 五月除江南鹽禁

尋復

### 乾元文

### 明二殿災○初以京官充堂後官

是冬初以堂後官充

職事官仍詔除入謝外不赴朝參見宰相禮同胥吏

### 六月求

端拱初又令選選人授京官

充堂後官



直言

火災故知睦州田錫上疏略曰給事中不得其人左  
右補遺不舉其職致陛下有朝令夕改捨近謀遠之  
事又言時久昇平天下混一故左取右奉致陛下以功業自  
多然臨御九年四方雖寧而刑罰未甚措水旱未甚調陛下  
謂之太平誰敢不謂之太平陛下謂之至理誰敢不謂之至  
理又言宰相不得用人而委負郎差遣近臣不專受責而求  
令錄封章又言聽用太廣則條制必繁條制既繁則依從者  
少自今凡有奏陳幸令大臣議而行之毋使垂之空言示之  
寡信又言宰相若賢當信而用之宰相非賢當  
擇而任之何以置之為具臣而疑之若衆人也  
遣使諸

路察獄

御史李杞等八人

詔州縣官言事

初轉運使及知州通判皆得上

書言事至是復降是詔俾附傳置以聞時有草澤上書言時  
政者引對其詞狂悖上慰諭之越明年冬有龍溪主簿王濟  
附驛奏事時福建輸鶴翎為箭羽鶴非常有物官督責尤急  
一翎直至數百錢民甚苦之濟以便宜諭民取鶴翎代輸驛

奏其事因詔  
旁郡悉如之

嚴慮囚限

令諸州十日一慮囚

秋七月命諫官

領登聞檢院

改匭院為之仍令諫院依舊差諫官一員主判

九月夏州襲

敗李繼遷

初李繼捧入朝其弟繼遷留銀州詔發繼捧親屬赴闕繼遷時年十七勇悍有智謀不樂

內徙與其黨奔入蕃族地片澤距夏州東北三百里出其祖彝興像以示戒人戒人皆拜泣稍稍歸附詔書招諭繼遷不出至是知夏州尹憲選精騎夜掩襲之斬首五百級燒四百餘帳獲繼遷母妻獨繼遷以身免  
冬十月

召隱士陳搏

上之初即位嘗召之至是復至上益加禮重遣使送至中書宋琪等問曰先生得立

默修養之道可以授人乎曰搏遁迹山野無用於世練養之事皆所不知無可傳授然正使白日生天何益於治聖上龍顏秀異有天日之表洞達古今治亂之旨真有道仁聖之主正是君臣合德以治天下之時勤行修練無以加此琪等表



上其言上覽之甚喜賜號希夷先生尋請還華山○上嘗謂宰相曰朕每日所為有常度辰巳間視事既罷即看書深夜乃寢五鼓而起盛暑永晝未嘗卧至於飲食亦不過差行之已久甚竟得力凡人飲食飽無不昏濁儻四支無所運用更復就枕血脉凝滯諸疾自生

麟上曰珍禽奇獸奚益於事方內 又寧風俗淳厚此乃為上瑞耳 十一月丁卯郊奉

宣祖配改元 初太祖追尊四廟親郊以宣祖配上即位

及將封禪扈蒙定禮奏言經曰嚴父莫大於配天請以宣祖配天太祖配上帝至是遂用蒙議識者非之自張昭竇儀卒朝廷諮訪典故典草立儀法皆蒙專焉○上嘗語宰相曰今歲大稔人民亦無疾疫當與卿力行好事以答天意 十

二月罷廣南諸州采珠場 自是惟商販互市○淳化中罷端州貢硯

立德妃李氏為皇后 故淄州刺史處耘之女也 是歲令外

庭勿與內藏 詔自今內藏庫月帳於內東門進外庭不得與其事上謂左右曰此蓋慮司計之臣不能節約異時用度有闕復當賦率於民尔朕終不以此自供嗜好也

雍熙二年春二月禁增置寺觀○三

月親試舉人初唱名賜第 得梁灝以下一百七十餘人諸科一百餘人並

唱名賜及第李昉呂蒙正之子皆入等上曰此並勢家不宜與孤寒競進並罷之左右言尚有遺材復試又得洪湛等七十餘人諸科三百 ○夏四月遣使振江南饑 御史安餘人並賜及第 國祥等

十夏州敗李繼遷 繼遷春間詐降誘殺都巡檢曹光實至是夏州敗其黨悉利族 宴

太平二年



近臣

宴于後苑宰相以下三館皆與賞花釣魚曲宴始此

秋七月詔按視倉

粟

轉運及長吏計支用外出糶或借貸與民及轉輸京師不省視而致損敗者雖去官論如律

八月

遣使按察荆浙等路

李承禧等六人

九月廢皇子楚

王元佐為庶人

初廷美得罪元佐獨申救之上不聽廷美死元佐遂感心疾屢為殘忍不

法至是坐縱火廢

冬十月錄繫囚

上決事至日旰因謂宰相曰中外臣寮若皆留心政

務天下安有不治者古人宰一邑守一郡使飛蝗避境猛虎渡江况人君能惠養黎庶申理冤滯豈不感召和氣乎朕每自勤不怠此志必無改易或云百司細故帝王不當親決朕意則異乎是十二月庚子朔

日有食之○宋琪罷

坐與樞密使柴禹錫交通上不欲暴其狀以琪素好詆諧無大

臣體禹錫不能輸誠奉公并罷之琪守本官上詔李昉等曰朕於大臣豈欲容易進退琪為宰相乃請居廬多遜舊第不避惡名與鍾離意何相遠耶又曰中書樞密朝廷政令所出治亂根本繫焉且天下廣大卿等與朕共理當各竭公忠以副任

皇朝編年

備要卷第三







